

Manmin nga mga Balita

NUMERO 19 HUNYO 3, 2012

“Emosyon og Kalipay Nibaha sa Mabutihong Gahum sa Espiritu Santo!”

Ang 2012 Pastors' Seminar og Hankerchief Healing Crusade nga Gihimo ni Pastor Soojin Lee sa Lima, Peru



Daghang katawhan nisaka sa intablado para maghatag og panghimatuud sa ilang kaayuhan human maayo sa mga sakit pinaagi sa pag-ampo sa panyo (Speaker Pastor Soojin Lee)

Sa Peru, Latin America, ang Pastors' Seminar og Handkerchief Healing Crusade gihimo ni Pastor Soojin Lee, Presidente sa Pastors' Association sa Manmin Central Church og Vice Chairperson sa United Holiness Church of Jesus Christ. Ang himaya sa Diyos nipadayag pag-ayo.

Abril 13, ang Handkerchief Healing



Ang Peru Manmin Church sa ilang ika-6 nga Anniversary Service



Ang praise team sa Pastors' Seminar nga gihimo sa Peru Manmin Church



Ang pasundayag sa 'Power Worship Dance Team' sa Handkerchief of Power Crusade ditto sa Carabaya

Crusade nahimo didto sa Carabaya (Buhat 19:11-12). Sa sinugdanan sa miting ang local praise team nag pasugda sa unang pagdayeg og gipakita ang video nga 'The Power of God'. Kini naghulagway sa pagpangalagad ni Dr. Jaerock Lee nga nag giya sa daghang kalag ngadto sa Ginoo nga anaay dako og kahibulongan nga gahum.

Unya, ang Manmin Central Church performance team natandog kaayo sa ilang mahinungdanong pasundayag. Ang Power Worship Dance Team nipasundayag sa Korean traditional fan dance og Peruvian traditional dance. Sa dihang si Deaconess Yoonhee Song, soloist sa Manmin Central Church, nidala sa mga pagdayeg ang katawhan nga nanambong nanghilak ngadto sa Ginoo.

Si Pastor Soojin Lee nakadawat sa 'plaque of appreciation' gikan ni Raphael Marcello, Mayor sa Carabaya. Unya iyang gihatud ang mensahe nga nag-ulohan og "Why is Jesus Our Only Savior?" og matinguhaong nag-ampo sa katawhan gamit ang panyo sa gahum.

Nianang panahona, daghang mga bakol namarog sa ilang wheel chair og naglakaw-lakaw atol sa miting. Nanaka



Ang pagbisita sa mission team ngadto sa National Assembly Building sa Peru

sa intablado aron manghimatuud sa ilang kaayuhan. Naay babaye nga dunut og totoy tungod sa kanser malipayong niingon nga ang sakit nawala. Dugang pa, ang buta nakakita og ang bakol nakalakaw og nakaambak. Ang kalipay nibaha sa dan sa Carabaya.

Daghang mga politiko nanambong sa miting, apil na si Julio Rosa sa nag unang oposisyon party. Ilang gi imbitar si Pastor Lee og ang performance team ngadto sa National Assembly sa Peru, kay gusto nilang madawat ang iyang mga pag-ampo sa mga panalangin.

Abril 14, sa Pastors' Seminar, si Pastor Soojin Lee ni wali sa mensahe nga "Why is Jesus Our Only Savior?" og "The Keys to the Church Revival." Pastor Felipe Juamani, chairperson sa 2004 Dr. Jaerock Lee's Peru Healing Crusade Organizing Committee, nitambong sa siminar nga gibanabana sa 500 pang mga pastor gikan sa mga Latin countries sama sa Brazil, Venezuela, og Colombia.

Human sa siminar, sila ni komento sama sa mosunod: "Akong nakuha ang akong unang gugma isip kristohanon." "Napuno ko sa Espiritu Santo og nakadawat sa dakong grasya." "Nag-antos



Si Pastor Soojin Lee uban ang mga Miyembro sa Simbahan sa Ventanilla

ko sa sakit tungod sa akong problema sa internal organ, apan ang kasakit nawala human nga akong nahunahuna kon unsa ang mga sala og naghinulsol." Dugang pa, pinaagi sa pag-ampo ni Pastor Soojin Lee gamit ang panyo sa pag-ampo, ang mga tawo naayo sa sakit sa dunggan, tiyan, likod og tuhod. Ang uban nakalingkaw sa diyabitis og depression. Daghan ang nakakuha og maayong panan-aw.

Abril 14, ang Peru Manmin Church naghimo sa ilang ika-6 nga Anniversary Service og ang Handkerchief Healing Meeting. Sobra sa 1,100 ka mga miyembro ang nipuno sa santuwaryo, agianan og hagdanan. Si Pastor Soojin Lee ni proklama sa mensahe nga "Blessings When You Walk in the Light" og "Take Heaven by Force." Iyang gihatud ang mensahe sa paglaum, sa pag-ingon, "Sa dihang imong ilabay ang mga sala og mahimong balaan, makahimo ka sa pag adto sa Langit og makadawat usab sa mga panalangin dinhi sa kalibutan."

Abril 16, ang mission team nibisita sa Ventanilla nga naay duol sa 500 ka mga miyembro sa simbahan ang nanimuyo, og gidungagan ang ilang pagkapuno sa espirituwal.

Si Pastor Lee nibisita sa 'Peruvian National Assembly Building' kini tubag sa imbitasyon ni Julio Rosa. Iyang nahimamat ang daghang politiko apan wala lang sila maghisgot sa politika og ekonomiya, apan iya sad gitukod ang higot sa partnership sa Manmin Central Church sa umaabot. Human sa pakighinabi, si Pastor Soojin Lee niampo nila para sa mga panalangin.

Han'ay sa "The Message of the Cross" - (17)



Senyor Pastor Dr. Jaerock Lee

Ang Katapusang Pito ka Pulong ni Hesus didto sa krus (2)

"Sa pagkakita ni Hesus sa iyang inahan og sa tinun-an nga iyang gimahal nga nagbarog didto, miingon siya sa iyang inahan, 'babaye, siya ang imong anak!' Unya miingon siya sa tinun'an, 'Siya ang imong inahan'. Sukad adto gidala sa tinun'an si Maria aron didto na mopuyo sa iyang balay." (Juan 19:26-27)

Kon hapit na ang kamatayon kasagaran sa tawo magbilin og kasulatan o mga testament ngadto sa ilang pamilya o higala. Si Hesus, nga nianhi sa kalibutan isip Manluluwas sa katawhan, nagbilin og pipila ka pulong sa wala pa siya mo ginhawa sa iyang katapusang ginhawa didto sa krus, kini mao ang gitawag og "The Last Seven Words on the Cross".

Kon atong ma tukib ang dughan sa atong Ginoo, nga kinsa Anak sa Diyos, nibuhat sa kapangandaman sa atong kaluwasan, mahimo kitang tinuod nga anak sa Diyos. Para sa pagpadayon sa nahisgutan sa katapusang edisyon sa Manmin News, atong kuhaon karon ang ika-3 pulong ni Hesus nga iyang gipamulong didto sa krus.

1. "Babaye, siya ang imong anak!"

Juan 19:26 mabasa, "Sa dihang nakita ni Hesus ang iyang inahan, og ang tinun'an nga iyang gimahal nagbarog, miingon siya sa iyang inahan, 'babaye, siya ang imong anak!'" Dinhi, "imong anak" nagpasabot sa tinun'an nga gimahal ni Hesus- si Juan. Si Hesus nihangyo sa Birhen Maria nga isipon si Juan nga iyang kaugalingon nga anak.

Nganong niingon si Hesus "Babaye, siya ang imong anak!" kini usa ka elemento nga atong masayran, nga dinhi si Hesus klarong nitawag sa Birhen Mari nga, "babaye".

Walay hitabo nga naka dukumento sa Bibliya nga si Hesus nitawag sa Birhen Maria nga iyang "inahan". Ang pulong "inahan" sa "libro ni Juan" gigamit lang sa tagsulat nga si Juan, apan dili si Hesus.

Sa Juan 2, mabasa ang hitabo nga diin si Hesus nihimo sa tubig ngadto sa bino og nisangpit ni Maria nga "babaye". Si Birhen Maria dili mahimong inahan ni Hesus. Unsaon man pagkahimo niyang inahan ni Hesus nga siya Diyos man (Filipos 2:6) og ang Anak sa Diyos, usa sa Diyos Trinidad?

Ang Diyos gikan sa walay katapusan og hangtod sa walay katapusan, og "Ako Mao Ako" (Exodu 3:14); walay nag-anak og naghimo niya. Mao nga si Hesus nga mao ang Diyos, dili makatawag sa Birhen, ang binuhat, nga "mama".

Og si Birhen Maria dili mahimong inahan ni Hesus bisan kon ibasi biologically. Ang tanang katawhan gilalang pinaagi sa kombinasyon sa sperm og egg cells, apan si Hesus gilalang pinaagi sa Espiritu Santo.

Kon ang bata natawo pinaagi sa 'artificial insemination' ang babaye dili mahimong iyang inahan. Kon ang bata ibutang og kadiyot sa "incubator", motawag ba siya sa maong incubator nga "mama"? Mao ra usab nga si Hesus dili motawag ni Maria nga "mama" tungod kay bisan wala pa siya sa sabakan ni Maria daan na siyang natawo.

Ang Diyos dili mahimuot kung ang katawhan nagtoo nga si Birhen Maria inahan ni Hesus og magsimba na hinuon ni Maria nga samang idolo. Ang Diyos niingon sa Exodu 20:3-4, "Ayaw pagsimbag laing Diyos gawas kanako. Ayaw pagbuhat og diosdios o larawan," dili gyud ta maghimo, magsilbi o magsimbag idolo.

Ang sunod nga pulong ni Hesus, "Babaye, siya ang imong anak!" kini gituyo sa paglingaw sa Birhen Maria. Samtang siya nagsaksi sa iyang pinanggag Hesus nga nag-antos sa mga pagsakit, kay ang Birhen Maria nakabati sad sa sakit og mga kagulangan. Ang mahunahunaon nga Hesus nakahinumdom ni Maria bisan sa katapusang mga yugto sa iyang kinabuhi, og iya siyang gibilin ngadto sa iyang tinun'an nga si Juan.

2. "Siya, ang imong inahan!"

Juan 19:27 nagpadayon, "Og niingon siya sa iyang tinun'an, 'siya ang imong inahan!' Sukad adto gidala sa tinun'an si Maria aron didto na mopuyo sa iyang balay." Si Hesus niingon sa tinun'an nga 'Siya ang imong inahan!' og dinha ang Bibliya nag-ingon, si Juan nidala ni Birhen Maria ngadto sa iyang balay og iya kining gisilbihan nga isip iyang inahan.

Human pagpanganak ni Hesus, isip usa ka Birhen, si Maria nanganak pa og daghan sa iyang bana nga si Jose. Apan si Hesus wala mo hangyo sa mga anak ni Maria og Jose para mag atiman niya apan iyang gitugyan ngadto sa iyang tinun'an ang obligasyon. Unsa may klaro nga masabtan nato dinhi?

Ang kasulatan nag-ingon "Apan ang atong puloy-anan atua sa langit og mahinangpon kitang nagpaabot sa pag-anhi sa atong Manunubos gikan sa langit-ang Ginoong Hesu Kristo" Filipos 3:20, ang mga anak sa Diyos nga nakadawat sa kaluwasan nahisakop sa langit. Ang tanan nga nidawat sa Ginoo og ang ngalan

nahisulat sa libro sa kinabuhi og nagsilbi sa Diyos Amahan maoy mga tinuod anak sa Diyos.

Ngano og giunsa nga ang Diyos nahimong atong espirital nga amahan?

Sa Diyos gikan ang kinabuhi. Bisang tagsatagsa nato natawo sa atong biological nga ginikanan, apan ang Diyos maoy naghatag sa "sperm" og "egg cells" kanila. Kon atong tan-awon pagbalik ang atong gigikanan atong masuta nga ang unang tawo nga si Adan hinimo sa Diyos. Siya mismo ang naghulma sa lawas ni Adan og ginhawaan niya ang ilong ini sa ginhawa sa kinabuhi, ang atong kinabuhi gikan sa Diyos.

Bisan ang manag-asawa dili makapanamkon og lain nga kinabuhi kon walay pagtugot sa Diyos, kay ang awtoridad sa paghatag og espirtu sa usa ka bata sa Diyos lang nagagikan. Bisang pag-uswag sa "science and technology" wala pay tawo nga nakahimo sa iyang kaugalingon nga espirtu. Siguro ang tawo makahimo og unod apan kay ang hinimong unod wala may espirtu, wala gihapon kini kalainan sa mga hayop og dili kini matawag nga tawo.

Dugang pa, ang kinaiya, pamay-ong, og ang ubang hiyas sa bata nga gipanamkon mo liwat sa ginikanan. Ang dili malalis nga kamatuoran mao nga ang Diyos lang ang nagmando sa kinabuhi sa katawhan.

Naay daghang hitabo sa Manmin Central Church nga diin ang manag-asawa dili makapanamkon og bata. Mga manag-asawa nga sulod sa 3, 5, 7 og 10 katuig maningkamot og nagsulay sa tanang tawhanong paagi aron manamkon. Pero ang paagi sa tawo walay kapuslanan nga makadawat sa tinguha sa ilang kasingkasing, ang ilang pagtoo ngadto sa gahum sa Diyos maoy kasiguroan nga sila makadawat sa mga panalangin aron mo mabdos og makaangkon og anak.

Diyos lang ang makahatag sa espirtu og makamando sa kinabuhi, kamatayon, tunglo og mga panalangin sa katawhan, og tungod ini ang Diyos mao ang atong espirital nga amahan. Kon ang tawo magpakabuhi lang ubos sa kalibutanhong hilig og tinguha nga walay pagtoo kaniya, ang kanang tawhana dili makasangpit sa Diyos nga "Amahan!"

Kini tungod og sa gisulti ni Hesus kanato sa Juan 8:44, "Mga anak kamo sa inyong

amahan nga mao ang yawa, og buot kamo mosunod sa mga tinguha sa inyong amahan. Mamumuno siya sukad pa sa sinugdanan. Wala gyud siya mo dapig sa kamatuoran, kay wala man niya ang kamatuoran. Kon mamakak siya, natural lamang kana kaniya, kay bakakon man siya og amahan sa tanang bakak."

Bisan pa man og nakighusa ta sa atong mga kadugo aning kalibutana, dili ta mahimong magpuyo uban kanila sa langit nga walay katapusan kung sila dili motoo sa Ginoo. Kay bisan si Hesus nagpahinumdom nato sa Mateo 12:50, "kay ang akong inahan og mga igsoon mao katong nagbuhat sa kabubut-on sa akong amahan nga atua sa langit." Gitudlo dinhi ang atong tinuod nga pamilya, nga mao ang atong espirital nga pamilya.

Atong higugmaon og silbihana ang atong unodnong pamilya, apan gugmang espirtuhanon nga tarong sa mata sa Diyos. Ang tinuod nga gugma dili mo pasipala sa Diyos og mobuhat lamang sa mga butang nga nahisubay sa Iyang kabubut-on.

Pananglitan, kon ang ginikanan o kaliwat moingon, "ayaw'g simba" o "kuyog nako naa tay patyon," ang tinuod, imong gigiyahan dili sa paghigugma apan ngadto sa kamatayon. Mao nga, samtang naghigugma og nagsilbi ta sa atong ginikanan o paryente ato kining buhaton nga naay kinutuban sa matuod.

Kon kita mo angkon sa gugma para sa miyembro sa atong pamilya, ang pagwali sa ebanghelyo og pag giya nila ngadto sa langit mao gyud unta ang atong prayoridad. Kini mao ang dalan nga ang matag usa nato makapadayon og magpakabuhi uban ang atong espirital nga pamilya.

Mga kaigsoonan ko diha ni Kristo, ang nahitisok sa ika tulong pulong ni Hesus nga iyang gilitok samtang gilansang sa krus mao ang iyang dakong gugma para nato nga maoy naglingaw ni Maria samtang siya nagsubo. Ang atong Ginoo niingon sad nato nga ang tanang igsoon diha kaniya mao ang atong tinuod nga pamilya. Maayo unta nga ang tagsatagsa ninyo makatugkad og klaro sa dughan sa Atong Ginoo, labaw pang mo higugma sa Diyos, og mag inambitay ang matag usa sa espirtuhanong gugma diha sa Ginoo, sa ngalan sa Atong Ginoong Hesu Kristo ako nag-ampo!

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figuera Sampaloc, Manila, Philippines Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Philippines Pastor Peter Bae Pastor Lucy Lee 0910-262-5465	Purok 3, Brgy, San Roque, San Mateo, Isabela, Philippines Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen.Trias, Cavite, Philippines Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Philippines Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Philippines Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Philippines Pastor Kathryn Kim 0908-635-2714


“Nagkasakit ko og Maayo, Apan Nibalik ang Akong Kabaskog, PinaagiSa Grasya sa Ginoo”

Deaconesa Jungsook Lee (61, taga Eastern Gwangju Manmin Church)

Nahitabo sa dihang nagtrabaho ko sa Mujeong Elementary School sa Damyang, probensya sa Jeonnam. Ang akong mga kauban nakabantay nga ang akong sinultian og panglihok nausab. Niingon sila nako nga magpatan-aw sa doktor. Nag-antos ko sa nerbyos sa dugay'ng panahon tungod sa kagubot sa akong pamilya. Nagka grabe ang akong gipaminaw og dili na gani ko maka esturya og tarong sa mga tawo og nawala sad ang akong maayong salabutan.

Nahimong limitado ang akong kinabuhì tungod sa malignant brain tumor

Abril 2010, gipugos ko sa akong kauban sa trabaho og sa akong anak nga moadto sa 'neurosurgeon' sa Jeonnam University Hospital. Ang



MRI test sa wala pa ang operasyon: malignant brain tumor

resulta nagpakita nga ang akong kondisyon dilikado na og nangita ang doktor sa akong mga tagtungod. Gipabilin ko sa ER human sa MRI test. Sunod adlaw gidala ko sa Hwasun Jeonnam University Hospital, espisyalista sa kanser nga mga pasyente. Niagi ko sa naglain-laing mga test. 'Terminal malignant brain tumor', mao nga ang mga doktor nagdali sa pag opera nako. Bisan human sa operasyon ang mga doktor niingon nako nga naa nalang koy 5-6 ka buwan nga mabuhì.

Naa koy mga tambal nga giinom og gihatagan sad ko sa 'radiation treatment'. Apan wala na koy ganang mokaon og nagkaanam og kaluya. Nakigbatok kini sa tanang paglaum. Gipagawas ko sa hospital pagkahuman sa 50-ka adlaw og wala koy mahimo kon dili ang pagkuha og 'leave of absence' sa akong trabaho og adlaw-adlaw'ng nag-antos sa sakit sa operasyon.

Natandog kaayo ko sa 'Tasting Eternal Life Before Death'

Enero 2, 2011, gikuyogan ko ngadto sa Eastern Gwangju Manmin Church og

nindot akong pamati sa simbahan. Akong nadawat ang testimony book ni Senyor Pastor Dr. Jaerock Lee, ang 'Tasting Eternal Life Before Death'. Natandog kaayo ko sa iyang panghimatuod nga naayo siya sa iyang tanang mga sakit nga giantos sulod sa 7-ka tuig, sa dihang iyang nailhan ang Diyos. Nakahunahuna sad ko nga mahimo sad ko nga maayo.

Matinguhaon akong naghinulsol sa mga sermon kada simana

Ang mga sermon ni Dr. Lee nakatandog kaayo sa akong dughan sama sa dugos nga nagtulo. Iyang klarong mapasabot nako ang Pulong tungod kay siya buhi nga eksampol sa buhi og matuod nga Pulong. Ang iyang mga mensahe maoy nahimo nakong tumong.

Duha ka simana sa akong pagsigi og tambong sa simbahan, si Pastor Yeonok Chung nibisita nako og nagsugod sa 21-ka adlaw'ng panaad nga serbisyo uban ang mga trabahante sa simbahan. Akong gisulayan ang pagbuhat pinasubay sa akong nasabtan sa mga mensahe. Akong gibasulan nga naglagot ko sa mga tawo og nag bagutbut batok nila. Niarang-arang ang akong pamati bisan paman og naglingkod og dugay.

Human sa pag-ampo nibalik ang akong maayong kondisyon og kalipay

Pebrero 2011, akong nadawat ang pag-ampo ni Dr. Lee, og nag-ampo sad ko sa tibuok kasingkasing. Pagkahuman, naayo ko og ang akong nawong ni hayag. Sa mga nanglabay, dili ko maka panglimpyo sa akong balay og dili maka atiman sa mga bisita. Apan karong makalimpyo nako sa santuwaryo! Samtang maminaw sa mga sermon ni Dr. Lee akong nahunahuna nga ang tinuod nga Kristuhanon mao ang paghisama sa Ginoo. Nag-ampo ko sa walay hunong og akong gisulayan pag-ayo ang pagsunod sa Pulong sa Diyos. Sa dihang ang kasuko og pagdumot nawala sa akong kasingkasing, makahimo nako pagkatulog og tarong.

Nagtuo ko nga naayo na, niadto ko sa hospital para magpa MRI test para maghatag og kahimayaan sa Diyos niadtong Marso 2012. Ang resulta nagpakita nga kumpleto nakong naayo



og wala nay posibilidad pa nga mobalik ang sakit. Halleluyah!

Ang tawo nga naay 'late stage' sa 'malignant brain tumor' kasagaran dili mo hangtud og tulo ka tuig bisan pa human sa operasyon. Apan ako nagkabaskog matag adlaw.

Akong ihatag ang tanang pasalamat og dungog ngadto sa Diyos, og ang akong kinasingkasing pasalamat ngadto ni Dr. Jaerock Lee nga nag-ampo nako og nagtudlo sa tinuod nga kristuhanong kinabuhì.



“Nabutang nako ang akong Anak sa akong kamot, Salamat sa Pag-ampo ni Dr. Jaerock Lee”

Sergey Velbovets
(Presidente sa In Victory Media Group)

Presidente ko sa In Victory Media Group nga mao ang nag-unang Christian portal site sa Russian speaking nga mga lugar. Natawo ngari kanamo ang daghang bunga, sa pag-ampo ni Dr. Jaerock Lee.

Disyembre 2011, ang akong pamilya naka ekspersyensa sa kahibulongang gahum sa Diyos. Mabdos ang akong asawa og 9-ka bulan apan sa kalit lang, ang bata nga naa sa iyang tiyan wala na molihok sa pipila ka adlaw'ng nanglabay. Nabalaka mi og nahibulong. Among gi-isturya ang doktor, apan dili maayo nga ilhanan. Apan matinguhaon akong nag-ampo, nagtoo nga ang Diyos makahimo sa pagbuhì sa patay.

Ni pahibaw ko ni Dr. Lee, ang gamhanang sulugoon sa Ginoo sa Seoul, og ni hangyo ko niya nga ampoan mi. Adlaw'ng Biyernes, Disyembre 16, 2011. Human sa iyang pag-ampo, kahibulongan ang nahitabo. Ang bata sulod sa tiyan nibalik og lihok.

Disyembre 27, ang akong asawa nanganak og himsog nga bata, ang among ika-duhang anak. Himsog kaayo siya bisan sa gipakita nga resulta sa "newborn screening". Ang akong asawa niingon nga nabati niya ang kalinaw sa presensya sa Ginoo panahon sa iyang pagpanganak.

Mapasalamaton kaayo ko kay makapaminaw sa pagkabalaan sa ebanghelyo nga wala na magpaamong sa kalibutan. Karon daghang pastor magwali sa mensahe nga nindot paminawon, kaysa mga mensahe nga makapahimuot sa Diyos. Apan si Dr. Lee motumbok og diretso sa mga sala nga gikasilagan sa Diyos og mohatag og katin-awan aron mahimong tinuod nga anak sa Diyos nga magpakabuhì subay sa Pulong sa Diyos og tungod ini nagtoo ko nga maong ang Diyos mipakita sa daghang mga ilhanan, kahibulongan og gamhanang lihok diha kaniya.

Daghang pastor og mga sulugoon sa Diyos nga gustong mobisita sa Manmin Central Church. Madungganon kaayo kong nakatrabaho ni Dr. Lee nga nagpakita sa katawhan nga ang Diyos buhi.

The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

- Jesus Christ, His Second Advent, the Millennium, and the eternal heaven.
5. Members of Manmin Central Church confess their faith through "The Apostles' Creed" each time they come together and believe in its content verbatim.
- "[God] Himself gives to all people life and breath and all things." (Acts 17:25)
"And there is salvation in no one else; for there is no other name under heaven that has been given among men by which we must be saved." (Acts 4:12)

Manmin Balita

Published by Manmin Central Church

Bisayan

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048
http://www.manmin.org/english
E-mail: manminministry@hotmail.com
Publisher: Dr. Jaerock Lee
Managing Editor: Geumsun Vin

“Nagsugod ko og Kadungog sa Tingog Human Madawat ang Pag-ampo sa Panyo”

Pastor Sooyeol Choo nihimo sa handkerchief healing meetings sa Manmin Deaf Churches sa Thailand og Malaysia

Si Pastor Sooyeol Cho, guidance teacher sa Hearing-impaired Mission nagwali para sa hearing-impaired sa Hat Yai Manmin Deaf Church atol sa ilang 2nd anniversary service. Naghimo sad siya og handkerchief healing miting sa 5-ka sanga sa Manmin nga simbahan para sa hearing-impaired nga gitukod didto sa Thailand og Malaysia.

Mayo 1, si Pastor Cho nihatod sa mensahe nga “God Is the One True Living God” kinuha sa Roma 1:20 sa unang miting nga didto sa Phuket Manmin Deaf Church. Unya, iyang giampoan ang mga masakiton gamit ang panyo sa gahum (Buhat 19:11-12).

Namcltai nawagtangan sa iyang sense of smell, apan nibalik kini. Niko dili makatarong og akaw apan nakalakaw og tarong. Duha pa ka babaye nga miyembro Saiv Tin, nibalik ang maayong panan-

aw og Caddama Wchambut, naayo sa atopik dermatitis. Daghang mga katawhan nipasidungog sa Diyos sa ilang kaayuhan.

Mayo 2, gihimo ang handkerchief healing miting sa Surat Thani Manmin Deaf Church. Human sa video nga “The Power of God”, si Pastor Cho ni wali sa mensahe nga “Let’s Become a Christian who Bears Fruit” basi sa Mateo 7:15-17. Unya nag-ampo sa mga masakiton gamit ang panyo.

Manthani, miyembro nga bungol sukad pa sa iyang pagkatawo, nanghimatuod sa pag-ingon, “Human sa pag-ampo sa panyo, nakadawat ko og kainit sa Espiritu Santo og nanginit ang akong lawas. Unya nakadungog na ko sa mga tingog.” Ang tibuok simbahan nagpista sa kalipay. Dugang pa, Charlo Ampol og si Jirisuni naayo sa panan-aw, ang babaye nga

miyembro naayo sa iyang lisod nga pag ginhawa og thyroid disease.

Mayo 6, ang Hat Yai Manmin Deaf Church naghimo sa ilang ika-2 anniversary service og healing meeting sa panyo. Ang mga miyembro sa simbahan nagpreparar og pasundayag og nagdugang kinig kasadya sa maong selebrasyon!

Si Pastor Cho ni wali sa mensahe nga “Why is Jesus Our Only Savior?” basi sa Buhat 4:12 og nag-ampo sa mga masakiton gamit ang panyo. Chansunee Pornhuna nanghimatuod nga nakadungog na siya sa mga tingog nga dili niya madugog sa una. Viyanach Kongnai nakakita og balik human makadawat sa kayo sa Espiritu. Sukhon Sunsuwan napamatuod nga ang nagtibungol diha sa iyang totoy nawagtang. Og daghan pang nagpamatuod nga sila nangaayo.

Sa Trang Manmin Deaf Church, Mayo 7 gihatod ni Pastor Cho ang mensaheng “God Works through Works of the Holy Spirit” basi sa Hebreo 13:8 pagkahuman nag-ampo alang sa mga masakiton. Daghang mga tawong naayo sa sakit sa ulo, mata, abaga, paa, kamot og ‘prostate gland’ nga mga problema, sakit tungod sa ‘blood-flow disorders’, og ‘respiratory disorders’.

Mayo 8, niadto siya sa Penang, Malaysia. Naghimo siya’g handkerchief healing meeting og nibisita sa balay sa pipila ka mga miyembro. Dinhi nahuman ang iyang mission trip. Naghatag og kahimayaan sa Diyos. Si Pastor Cho niingon, “Lahi sa uban nga simbahan para sa hearing-impaired, mga sangga sa Manmin malinawon nga nihatang sa ilang maayong serbisyo og pag-abiabi, salamat sa pinansyal nga suporta ni Senyor


Pastor Dr. Jaerock Lee. Kay ang mga miyembro nangandam sa miting nga naay panglantaw sa gahum sa Diyos, ang Diyos Amahan nilihok.”

Kining mga sanggang simbahan gipangalagaran ni Pastor Junghoon Chi, Vice Guidance Teacher sa Hearing-impaired Mission sa Manmin Central Church. Human makadawat sa grasya pinaagi sa mga mensahe ni Dr. Jaerock Lee, si Pastor Chi nipakatag online, ang Penang Manmin Church natukod sa Malaysia niadtong Disyembre 2008.

Karon ang Manmin Deaf Churches natukod na usab sa Hat Yai, Trang, Surat Thani, og Phuket sa Thailand; Penang og Melaka sa Malaysia. Ang uban nga sanga sa simbahan tukuronon sa Kuala Lumpur, Atol, Ipoh, og Taiping sa Malaysia og sa uban nga silingang nasod sa Tahiland sama sa Vietnam.



Sa dihang si Pastor Sooyeol Cho nag-ampo sa mga masakiton gamit ang panyo sa gahum, ang bungol nakadungog, ang buta nakakita og daghang tawo ang naayo sa mga nagkalain-laing sakit pinaagi sa Espiritu Santo.



“Ang Gahum ni Dr. Jaerock Lee Ipektibo kaayo sa Among Lugar sa Myanmar!”

Pastor Pa Hrang Hmung, Presidente sa MCL magsisibya sa Myanmar

Pastor Pa Hrang Hmung sa Manmin Central Church Anniversary Service

Pastor ko sa Rai Baptist Church sa Mandalay, ang ikaduhang ‘prominent city’ sa Myanmar. Nangalagad ko pinaagi sa pag badbad og pagsibya sa mga kristohanong libro sa Myanmar.

Tuig 2006 mahinungdanong tuig para nako. Ang estudyante sa theological college nga taga India nihatang nako og librong panghimatuod ni Dr. Jaerock Lee, ang ‘Tasting Eternal Life Before Death’.

Sa pagbasa sa libro, akong nabati nga ang Ginoo nakig esturya nako. Dako kaayong grasya og natandog kaayo ko nga gusto nako nga ang ubang tawo sa Myanmar makahibalo og makaila sa buhi nga Diyos pinaagi sa libro.

Gusto kaayo kung makaila sa

nagsulat sa libro og nagkayo ang akong dughan nga maka badbad sa iyang mga libro ngadto sa Myanmar og ang pagsibya ini. Akong gitawagan ang Urim Books og giingnan nga gusto kong mo badbad sa libro ni Dr. Lee sa Myanmar.

Ang Turning-point sa akong Kinabuhi

Marso 12, 2007, nadawat ko isip tigbadbad sa Manmin sa grasya sa Diyos og sa konsiderasyon ni Dr. Jaerock Lee. Walay kabutangan sa tumang kalipay. Naa na koy permanenteng kontak sa Manmin Central Church. Labaw sa tanan, nangandoy ko nga makakita ni Dr. Lee nga mao ang nagsuwat sa panghimatuod nga libro.

Oktobre 2008, sa katapusan nakabisita ko sa Manmin Central Church. Og hangtud karon dili nako makalimtan ang akong mga nakita didto; ang mga miyembro sa simbahan nagpakabuhing naghisama sa dughan sa Ginoo; ang mga milagrang nahitabo sa Manmin Central Church; og ang pagpangalagad ni Dr. Lee ang tawong nagsunod sa Diyos.

Nahibulong kaayo ko sa ‘Muan Sweet Water’ diin ang parat nga tubig nahimong tam-is og ang nagkalain-laing klase sa balangaw nga makita didto. Ang akong nakita sa Sunday Services, Friday All-night Service, og Daniel Prayer Meeting dako kaayong ikatabang sa akong espirituhanong pagtubo og sa

akong pagpangalagad.

Permi kong mag-ampo ngadto sa Ginoo nga naghilak adlaw og gabii kay gusto kong magkinabuhing kristohanon uban ni Dr. Lee og sa mga miyembro sa Manmin. Puno kaayo ko sa kalipay tungod kay ang grasya sa Diyos, karong mga panahona tutuk nakong magbadbad sa mga libro ni Dr. Lee.

Akong gibadbad ang iyang panghimatuod nga libro ‘Tasting Eternal Life Before Death’, ang iyang awtobiograpiya ‘My Life My Faith, 1&2’. Ang iyang representanting libro ‘The Message of the Cross’ og ‘The Measure of Faith’ ngadto sa Myanmar nga sinultian. Unsa ko ka bulahan nga akong mahibaw’an ang lawum nga espirituhanong kalibutan sa Diyos pinaagi sa libro ni Dr. Lee!

Ang akong kinabuhi nausab pinaagi sa grasya sa Ginoo

Nakapatandog kaayo nako ang mga milagrang nahitabo sa krusada didto sa Thailand og Myanmar niadtong Nobyembre 2010. Sama sa talagsaong milagro nga nahitbo pinaagi sa panyo nga gidala ni Apostol Pablo nga

nahisulat sa Buhat 19. Akong nasaksihan ang daghang katawhan nga nangaayo, ang misyonaryo nag-ampo gamit ang panyo nga inampoan ni Dr. Lee.

Dugang pa, nahibulong kaayo ko sa mga tima’ilhan og dakong gahum nga gihimo ni Dr. Lee sa India United Crusade, samtang nagtan-aw sa DVD ‘The Power of God’. Natandog kaayo ko sa nahitabo nga ang tima’ilhan nga gipakita ni Hesus 2,000 na katuig ang nilabay nahitabo gihapon pinaagi ni Dr. Lee. Kung itandi sa iyang pagpangalagad ang akong pagpangalagad sama sa uga nga disyerto.

Sa grasya sa Ginoo dako kaayo ang akong kausaban sukad nakaadto ko sa Manmin Central Church. Akong gisunod ang pagkabalaan sa ebanghelyo diri sa akong dughan kada adlaw. Malipayon kaayo ang akong kinabuhi nga naghisama sa Ginoo.

Ang Ginoo nagtudlo nako og daghang mga butang pinaagi sa libro ni Dr. Lee og Iyang gipakita nako ang dalan nga angayan sundon. Ang iyang kinabuhi og gugma para sa Ginoo lahi kaysa uban. Gusto nakong isabwag ang iyang gugma.